

www.BibleForChildren.org

Matei 8



Na lichiko lyutato pakibha na unyagho gwa ndowa kwenio ku Kana, ku muche gwa ku Galilaya, na majhe mundo Yecho akibha papa. Yecho na bhabholwa bhake helahela bhakalalikwe ku unyagho gwa ndowa gwenio.



Bhahe, divaye puijhomokila, majhe mundo Yecho ajhakunnobholela, "Bhakwete jhe divaye." Peniya majhe mundo Yecho ajhakwalobholela akatumiche, "Lyolyoha lyapala kunnobholela, nhenga."



Yecho ajhakwalobholela akatumiche,
“Ntwelengane ihulo yenio mache.” Na
bhene bhajhakutweleya lombilombi.
Peniya ajhakwalobholela, “Ngoheno nteke
mupele nkolo unyagho.” Na bhene
bhakatehile ngita
chabhalongalile.



Jhola nkolo jwa unyagho pabhonjita mache gheniya ghajhakughalambuka na kubhehe divaye. Na jwenio akamanyite jhe kwihumile, nambo akatumiche bhubhatekilila mache bhakamanye.



Peniya nkolo jwa unyagho ajhakunkema nnyina
mwale paupele, ajhakunnobholela, "Kila mundo
atumbula kwapekeya
akaghene divaye jhamaha.

Peniya akaghene
pibhanywila nu kukola,
upiya divaye
jhanganotha.

Nambo mwenga
nibhekite divaye
jhinogha ade
ngoheno!"




Yecho ndi nginyililo jhake jha kukangacha jha kutumbula kulangiya pakibha ku Kana, ku muche gwa ku Galilaya. Kwenio ajhakulangiya ung'alicho gwake na bhabholwa bhake bhajhakunyeketela.



Yecho ajhakujhenda ukajha kwa Petile, ajhakunkola nkoano mundo mwikeghe Petile agholwike pakindanda, itenda kupyopa hake.



Bhahe, Yecho ajhakumpapaha majhe jwenio lubhoko,
na ulwalo ukannekekiye, ajhakujhema na kutumbuu
kwatelekelala.




Palitipika lyobha
kimihe, bhando
bhajhakwaleta
bhoha bhibhalwalwa
na bhibhachikile na
michuka kwa Yecho.
Bhando bhamahеле
bha kubomane
bhakakonganike
palonge jha
lubhanja Iwa
nyumba.



Yecho akalamiche bhandu bhamahela na bhimbhakiya
na ulwalo ghoghoha, kabhele ajhakubhapiya
bhimbhakiya na michuka jhamahena, akabhapiya jhe
pwache jha kulonge nhwalo bhakamanyite jwenio ndi
ghane.



Bhahe, bhando bhoha bhaghaghalila kumpapaha
Yecho, nhwalo gwa likakala lilipitita nkate jhake na
kwalamicha bhoha.



Papalapala bhakannetite mundo jwatengwike
bhanyeghite bhando ncheche bhampelika kwa
Yecho.



Nhwalo gwa kujholoka
bhando, bhakahotwii ndeka
kumandikii Yecho. Bhahe,
bhakatenganiche lihoto
panane jha pakipaghalo
pabhii Yecho.



Pubhajhomolila kuhotola
bhajhakuhuluwa jwalwalwa
mu mpacha gwake.



Yecho palolita
kihobholelo
chabhe,
ajhakunnobholela
mundo
jwatengwike,
“Mwanango,
nnekekiwe
uhakaho gwino.”
“Ninobholila,
jhinuka, tola
mpacha gwino
nnyende kajhino!”



Yecho ajhakujhingii mungalabha, na bhabholwa bhake
bhajhakujhenda pamonga na
jwenio. Peniya kijhakupeti
kimbonga kikolongwa
mulilabha, matuhe gha
mache ghajhatumbu
kuyekelela ngalabha.
Yecho akibha
agholwike lugwenio.



Yeche ajhakwalobholela, "Mangota bhumii na kihobholelo chandina, bho, nhwalo gwa nike mijhoghopa?" Bhahe, akajhinwike, ajhakukipwatalila kimbonga na matuhe gha mache ghala gha mulilabha lela ghajhakubhehe njelembo na teeke. Bhando bhakakangiche hake, bhalongila, "Bho, ojho mundo ghane ade

kimbonga kinnyeketela?"



Kwa nhwalo Chapanga akapahile
hake bhandu bha pannema, ade
ajhakummoha Mwana jwa kanjika,
kila mundo jwanyeketela akotoka
kuhobha, nambo abhaha na
ughome gwa machiko ghoha
ghangapeta.



Akalome 3:23 nhwalo bhando bhoha bhatehi uhakaho na kupongokewa na ung'alicho gwa Chapanga.

Akalome 6:23 Nhwalo malepo gha uhakaho ndi kuwegha, nambo hupo jha Chapanga ndi ughome gwa machiko ghoha ghangapeta kwa kulombana na Kilichitu Yecho, Bhambo gwito.

Akaebulaniya 9:27 Ngita hela, kila mundo paihwe mala jhimo, peniya ihadabulwa na Chapanga,

Epecho 2:8,9 Nhwalo, kwa umbone gwa Chapanga mangota nkombwilwe kwa ndela jha kihobholelo. Kilebhe chenie chi nhwalo gwa kughagha kwinojhe, nambo ndi hupo jha Chapanga. Ihumii muitendwa hinojhe, kwa gheniya mundo jhojhoha angalokejhe kilebhe.



Akalome 10:9,10 Anda nnyeketile kwa nnomo gwino kubhehe Yecho ndi Bhambo na kunyeketela kuhumii kumwojho gwino kubhehe Chapanga akayokiche kuhumii kubhawile, ndi nang'ombokoka. Kwa nhwalo kwa mwojho mundo ujheketila, Chapanga amalangila jwamaha palonge jhake, na jwenio pajheketila kihobholelo kwa nnomo gwake ughombokoka.

Yohane 3:16,17 Kwa nhwalo Chapanga akapahile hake bhandu bha pannema, ade ajhakummoha Mwana jwa kanjika, kila mundo jwanyeketela akotoka kuhobha, nambo abhaha na ughome gwa machiko ghoha ghangapeta. Nhwalo Chapanga akantumite ndeka Mwana mundo pannema pano kwahadabula bhandu, nambo nnema aughombole kwa kupete jwenio.



1 Yohane 5:11-13 Na malobhe gheniya ndi ghanga,
Chapanga atupii ughome gwa machiko ghoha
ghangapeta, na ghome gwenio ubhii nkate jha Mwana.
Mundo jhojhoha jwabhinako Mwana gwa Chapanga abhii
na ghome gweno, jwangabhehe na Mwana gwa
Chapanga akwetijhe ghome. Ninnyandikila mangota
ilebhe henge bhumunnyeketile liina Iya Mwana gwa
Chapanga, umanye kubhehe mmi na ughome gwa
machiko ghoha ghangapeta.



Matei 8-9; Maluku 1-2, 4; Luka 4, 8; Yohane 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Ndendeule Bible (dne) @The Word for the World
International and Ndendeule Language Translation. All
rights reserved

<https://www.bible.com/bible/3940/GEN.1.NDEBV>

©2026 Bible for Children, Inc.

www.M1914.org

www.bibleforchildren.org

